

南宮縣志

道光庚寅重修

南宮縣志

本衙藏板

南宮縣志敘

南宮縣志其可考者在前明凡二修一修於葉恆嵩再修於邦侗入

國朝來惟知縣胡景銓修於康熙十四年迄今百五十六年所矣其間典禮之闕畧川瀆之湮塞城郭祠廟廨宇之興廢官司之賢能人才之盛衰與夫孝義貞烈之隱沒於窮簷陋巷者爲不少矣若更遲久不修卒使其曠渺而不可稽非守土者是責而誰責歟道光七年冬余奉檄宰斯土詢知修志之宜亟訪邑中有上舍杜兆震者寒士也手錄官司選舉二表老而不倦可以上接胡志無少差失心

南宮縣志

序

一

竊賢之以爲是掌故之一助亟禮之而揄揚於薦紳之間然自以學識淺陋未敢以志事自任明年調署玉田去九年冬復任邑人士以修志請余維凡事當乘時而因人自胡君修輯以來歷年久遠時則可矣邑人士皆鼓舞歡欣之恐後而又有著作之才炳烜乎其間不煩幣聘而致人用和矣及此不修將失時違衆而隳厥事於是不揣淺陋謀諸進士陳君柱屬以秉筆而延孝廉齊君文振王君楹忻泮暨陳君喆嗣鶴年椿年共襄其事開局於十年三月十閱月而稿成以視胡志有刪併其門類者有正其訛者有芟其文而仍其事者若胡志以後百數十年來之人之

事之文悉搜羅而編次之以備採擇後之官斯土與邑之賢士大夫閱斯志而知闕者宜修塞者宜疏廢者宜興賢者慕之思企及盛者持之使勿衰隱者表之使不泯則人心風俗政治之關係胥於志乎在焉事係乎一邑宰邑者之事也而余也才拙任鉅簿書鞅掌之未遑奚暇操鉛槧以從事非陳君諸人殫精竭慮網羅放失胡以蒼萃衆事而裒然成編用以繼前徽詔來茲乎無其功而享其成余則不能無愧焉

道光辛卯仲春月

賜進士出身直隸冀州南宮縣知縣諸暨周忭謹序

南宮縣志

序

二

南宮縣志敘

邑之有志所以廣教化厚風俗備採擇也教化溥於四海風俗基於一邑由縣而上之郡爲郡志由郡而上之省爲省志由省而上之史館爲一統志而採擇必自縣始邑志之所係顧不重哉南宮古兗州地春秋爲先哲南宮子所居漢始名縣至今不改平原廣野土厚水深且邑屬畿輔沐浴

膏澤涵濡

聖化休養生息百餘年於茲矣農安耕鑿士習詩書吏治民風蒸蒸日上洵畿南一善地也邑舊有志修於前明者

南宮縣志

序

三

葉志無存邗志闕略惟

國初胡志係屬全書但距今一百五十六年其間習尚之變遷政事之張弛建置之興廢典禮之沿革以及名臣孝子義士節婦之接踵而起儻及今不述益復無稽何以備史館之採擇非所以廣教化厚風俗也暨陽周邑侯蒞斯土下車之始加意學校修葺東陽書院捐設生童課資嚴立章程俾永遠遵守文風丕振矣又念志久不修無以信今而傳後乃延孝廉前溪齊君研卿柳谷兩王君及

柱子鶴年椿年

亦與焉重加編輯而以

柱

總其成

柱

薄學

淺殖焉敢膺斯重任但一邑盛事大典攸關幸有

賢邑

侯示以指南何敢以弁鄙辭爰自春三月設局東陽書院  
日與諸子詳考博稽分類編纂每一卷成送署呈閱公餘  
披覽謬蒙許可閒加筆削彌復謹嚴至十月始告竣而命  
柱序之柱思志近於史體裁貴整不整則散義例貴嚴不  
嚴則雜考核貴確不確則誣敘述貴詳不詳則漏論斷貴  
公不公則私辨証貴明不明則晦直省縣志所以首推靈  
壽者稼書先正以大儒之學識而克備斯美也是書規模  
一遵靈壽參以他志略加變通於舊志增其闕略芟其繁  
冗正其訛誤凡見諸經史者備錄全文其志後所續入亦  
復博採見聞詳稽家乘矢公矢慎不濫不遺誠不敢謂合  
南宮縣志

序

四

於史裁而諸弊庶或免焉其足備史館之採擇無疑矣夫  
司徒興賢舉能必始於鄉太史陳詩納價必登於朝南邑  
雖蕞爾觀一邑可知天下我  
國家重熙累洽一道同風之盛於茲可徵焉 賢邑侯斯  
舉其有關於教化風俗也豈淺鮮哉因不揣固陋而爲之  
序

道光辛卯仲春月

賜進士出身原任山西平陽府曲沃縣知縣邑人陳柱謹  
序

南宮縣志序

胡景銓

國有史邑有乘其名異其記事一也第史貴嚴書法貴直錄其大不著其小乘則取諸載廣羅博搜有所見有所聞有所傳聞罔不登焉古庶方小侯得各紀其山川風物習俗土宜貢之王國掌之外史藏之內府又歲命小行人周適四方採聽風聞辨悉民隱彙爲一書以報命於王故其時在上者端委南面而九州情形咸晰志不綦重哉自後世視爲緩圖故典漸湮志歷數十年弗修殘缺失次夏五郭公卽孔子操觚不能無軼簡也矧渺茲宮邑幾經兵火事多湮沒不亟表著雖美弗彰今

南宮縣志

序

七

國家四海同風右文興治允輔臣修一統志之請

詔諭各省纂修通志潤色

皇猷固一代盛舉景銓不敏承乏茲土錢穀刑名日以不給是懼而能堪修明之責乎然而封域之分野營建之沿革疆域之廣狹山原川隰之阻修田賦力役之輕重土俗之奢儉廟祀之廢興以及乎物類之不一其產災祥之不一其軌變官守之不一其秩升舉之不一其選人才之不一其軌公侯也將相也忠臣孝子也仁人義士也貞女烈婦也文藝也武績也有文藝而著述非一端也或人以文重則傳其文或文以人重則傳其人或人不同於邑而爲同於邑

者之文也則人當附文以傳或有治斯邑者之文之人與  
往治他邑者之贈之文也則當採以竝傳何莫非長吏所  
宜博稽訪求者銓於是弗敢辭復惴惴焉弗敢自任乃進  
鄉先生而諮之有教我者曰是志也一修於葉令諱恆嵩  
者年遠矣書弗獲存矣再修於邢令諱侗者亦百年遠矣  
書雖存存而弗備猶弗存也銓聽之矍然起曰嘻若之何  
以弗備者爲志而獻於廷也益復惴惴焉廣耳目竭心思  
搜故家之藏集鴻儒之秘審定風謠綜核軼事凡一邑之  
所見異辭所聞異辭所傳聞異辭皆一一而考證之其閒  
有不逮者則式賢達之廬而藉爲指南登著作之堂而共  
南宮縣志

序

八

國憲之所係與若夫文有美刺義有褒貶善善也長惡惡也  
短此春秋之法史氏之職也彈丸下吏何敢執筆而擬其  
事

胡邑侯南宮縣志序

魏齋介

邑之有志猶朝之有史也其不言史而言志者何所以別於史也譬之姓史大宗志小宗也譬之水史四海志百川也今之邑古之侯國耳昔夫子因魯史作春秋史乃成經其後龍門扶風諸君子擅三長之美爲史家絕調卽范曄陳壽歐陽文忠尙有體裁其餘憤憤或入稗官小說者流矣蓋史之難也如此志體不效編年擬史不敢擬經也一邑所載有關於善惡勸懲之大則志而有史之體且得於經之意矣南宮舊志邢子愿先生筆也滄桑事異漫漶滅沒不可復讀且明神宗中年暨今星霜七八十易封域猶

南宮縣志

序

九

故也而風俗或易矣營建日新也而賦役迥別矣邑大夫之撫字心勞蔽芾載咏賢紳士之功名自奮竹帛競新其他登高作賦遇物能銘彤管流芬鸚飛紀異諸事類及今不爲敘述俟之他日儻文獻無徵以致禮樂缺失豈賢有司表率茲土之義乎此遜齋胡父母所以急於纂輯而煥然麟炳有光琬琰也余讀之而有所感矣志雖一邑其例已同於史若彭縣令之殉難則張巡許遠之義也張昌齡白秉德之文學則駱賓王李巨山之匹也田神功白宗玉之武烈則李光弼王靖遠之亞也李純臺賈道乾之清直則趙閱道劉器之之次也劉濬伯張文西之理學則劉靜

修胡敬齋之儔也韓廷器杜于磐之盛德則石萬石竇燕山之風也張貞女白節婦之閭範則曹娥共姜之操也於乎盛矣遜齋胡父母之用心可謂至矣讀斯志也得其全豹有合於經史之大義豈但曰民人社稷關興革之大端已乎今

聖天子緝熙懋德光被四表左史右史記言記動木天之彥蒸蒸向風以是而出入承明之廬簪筆文石之陞邑侯真其選也吾拭目望之矣若其凡例之有變通更易修葺之蒐采纂述具載於編籍之首又何庸余贅時康熙十有二年

六月朔

南宮縣志

序

十

邢公南宮志序

教諭 鄭宏慶 邑人

余嘗讀邢子愿先生臨邑志喜其簡潔古茂不尙浮華因思余邑志曾出先生手經胡邑侯重修失先生本來面目而原板經兵燹成燼不可復得其書多遺失卽閒有舊家珍藏無從訪問數十年懸結於心一旦得之李氏篋中喜不自勝披而讀之其敘次山川以正分野疆圉因著古蹟陵墓市集物產風土作圖經考核自春秋以後推名所由始歷詳所隸作沿革表合城隍堂陸學校郵舍亭臺楯樾之興作以及釋老之居作建置志援古徵今凡有涉於邑者作事記地丁有征作賦役志鉅典明禋無文咸秩作祠

南宮縣志

序

十

祀志爵土榮顯有光於邑作侯王世表在事者習民儆於位著作官師年表邑士大夫用世不同進身有階作科貢年表先事者後事之師作循良傳至於功載竹帛學推吾黨允文允武盡孝盡忠才安於遺文貞其志以及羈人客子羽士緇衣莫不紀其行事詳其顛末作人物列傳附以前君子著作之目名流投贈之文作藝文志凡十有三卷肖古貌今鬚眉具在篇寡字嚴簡帙省縮孰與夫剜精剗采言枯而體晦者先生善書法能文章宰吾邑政教卓絕毋公務暇竭其翬翬力肩邑乘本葉公五卷而增補之覓盧生鳳舊編而致慨於諸生之亂其稿畱神於荒刹古廟

斷碣殘碑中徵其故實彙訂成帙然則先生之勞績胡可  
湮也特繕一冊表其章句什襲藏之以示方來原書無序  
故總其大略弁於首云

南宮縣志

序

十一

修志姓氏

道光庚寅重修

總修

知縣諸暨周 棧

協修

代理知縣何金銘

教諭 沈志欽

訓導 魏 篋

縣丞 成 芳

總纂

原任山西曲沃縣知縣陳 柱

南宮縣志

姓氏

五

分纂

舉人 齊文振 王楸斫 陳鶴年 陳椿年

王 泮

督刊

典史 薛應詔

分校

原任戶部江西司員外郎齊聯墀

候選按經謝文彪

貢生 齊繼孟

增生 李本立

附生 崔振宗

採訪

貢生 張鴻齡 吳汝霖 馮愛眾 張履咸

齊炳光 韓煥 張師籍

武舉 李天德 宋懷仁 鮑清魁 周中規

郁煥文 溫榮標

原任廣東三江司巡檢王梓

增生 張廷棻

附生 張懋勳

監生 杜兆震 王家相 陳一源 劉文潔

南宮縣志

姓氏

六

膳錄

附生 崔鎔 張瑾

南宮縣志

凡例

一直省縣志首推靈壽簡嚴詳明足爲程式今遵其例稍加變通參以畿輔通志冀州深州棗強等志務期義例允協事蹟簡該

一南宮舊志葉志無存邗志缺略邑人盧鳳有志十卷早失其稿鄭宏慶續邗志係抄本亦無從覓惟胡志具有全書今參酌採錄而變其義例裁其繁冗名宦人物藝文有宏慶刪改胡志舊本簡嚴有法今多從之不敢掠美

南宮縣志

凡例

一

一靈壽志十卷皆稱志而去表紀列傳之名確當可法今從之分爲十二志曰地輿曰建置曰學校曰典禮曰賦役曰風土曰事異曰官師曰選舉曰人物曰列女曰藝文其中分合增減因時制宜歸於明晰

一志書首列圖經所以提挈綱領但今昔建置不同興廢多端縣城縣署學宮三圖仍存其舊前規具載興復有冀輿地限於尺幅村莊較衆艱於悉登圖中區列牌甲庶便省覽增入河道義倉書院三圖裨資考據舊志有畢昂星圖彈丸下邑無當分野今從刪削十景亦未免湊合倣舊繪圖存名而已

一歷代沿革舊志唐虞屬冀州周屬晉春秋屬鮮虞戰國屬中山此相沿之誤也考通典南宮在黃河之東當屬兗州春秋屬晉戰國屬趙今悉改正

一南宮河道惟有漳水宋時又爲黃河所經今河道雖廢而古書所載源流甚悉考徵諸書分條列入補舊志之遺漏近時水患西泊爲甚舊志不載今詳載情形庶司土者可以隨時補救

一舊志地輿載二十四社今增入四十八牌將各村莊分註其下至市集之地今昔不同日期亦異依現在爲定

一建置志廢者存其名增者補其缺壇壝祠廟之所由來

### 南宮縣志

凡例

二

必加註釋明其源委亦靈壽志例也舊志亭臺一目所載與古蹟重複當從刪汰大風亭改爲麥飯亭較爲嚴實今從冀州志更正

一學宮書院舊志載在建置今另立學校一門配享先賢先儒依次詳列使人知所景仰兩廡中或歲久排列失次亦可藉以更正東陽書院建自前縣衷令置有地畝屢經增修近又勸捐經費議立條規所載獨詳相期永守勿替

一禮制最爲鉅典

本朝作述聿昭明備

大清會典通禮禮部則例業經頒發郡縣故靈壽志不載但下邑人士艱備冊籍今典禮志謹遵會典諸書按條詳載以廣見聞而便遵循

一賦役歷代不同地畝戶口增耗無定今恪遵道光四年所修賦役全書逐款登紀閭閻富庶之休於茲可驗

一靈壽志風俗紀事均附地里物產災異各爲一門今合風俗土產曰風土志俗尚奢儉物產豐耗於此可稽合紀事災異曰事異志詳列

卹典附入捐賑

國家撫卹優厚用以紀

南宮縣志

凡例

三

恩鄉情休戚相關庶以敦俗

一舊志紀事載邑人及邑令升擢諸事按升擢已見本人各傳複敘無謂載漢南宮主謁修成君事與南宮無涉且未見確爲今之南宮未免附會皆從刪削

一官師後列名宦選舉後列人物從深州志例也選舉斷自明始從靈壽志例也舊志正貢內恩拔副合載今分列之庶頭緒分晰尤便觀覽

一人物志首先哲南宮子從冀州志也白恭敏劉濬伯列名臣從畿輔志也理學則張文西一人隱逸則張凌霄等三人孝友必曾經旌表者不敢濫也他如方正改篤